

LE SIXIÈSME

37

624

COUVRRIER

FRANÇOIS,

TRADUIT FIDELLEMENT

en Vers Burlesques.



A PARIS;

Chez CLAUDE BOUDEVILLE, rue des Carmes,
au Lys Fleurissant.

M. DC. XLIX.

COVER

FRANCIS

FRANCIS



A. 1. 1. 1.

Chas. Clavin Bondville, 1811

M. D. C. C. X. I. I.

COVRIER FRANCOIS

EN VERS BURLESQVES.

LE quatorziesme & le Dimanche
 Que chacun met chemise blanche
 Iour à prier Dieu consacré
 Monsieur de Bayeux fut sacré
 Dans la Chappelle de Sorbonne.

Cependant que la Ville ordonne
 Aux chefs & maistres des maisons
 Nonobstant toutes leurs raisons
 De venir eux mesmes en garde
 Portans mousquet ou hallebarde
 Et d'estre chez leurs officiers
 Aux mandemens particuliers:
 De suiure à beau pied, non sans lance,
 Leur Capitaine, & s'il les tance,
 Endurer sa correction
 Et souffrir iusqu'au morion:
 De venir quand on les appelle
 En faction ou sentinelle
 Selon que veut le caporal
 Qui bien souuent est vn brutal,
 Tousiours ignorant, parfois yure,
 Mais bien qu'il ne sçache pas viure,
 Fit-il en commandant vn rot,
 Il faut suiure sans dire mot
 Et là prendre mainte roupie
 Si le caporal vous oublie
 S'il cause, s'il dort, ou s'il boit,
 Sans oser sortir de l'endroit,

Ou pour sentinelle il vous pose,
Tant qu'il boit, qu'il dort, ou qu'il cause:
Deffences à tous les soldats
D'auoir entre eux aucuns debats
Quand ils sont dans le corps de garde;
Ny fierement s'y mettre en garde
L'espée au poing pour vn duel
Veu que c'est vn acte cruel,
Sur peine de perdre la vie:
Deffence en toute compagnie
De receuoir aucun vallet,
Cocher, Laquais, ny de cadet
Que son peu de seiour sur terre
Rend incapable de la guerre.
Le Lundy le Duc de Bouillon
Prit dès le matin vn bouillon
Et dans le lit s'estant fait mettre
Il receut du Prince vne Lettre
Qu'il fit porter au Parlement:
Le Prince apres vn compliment
Luy resmoigne par sa missiue
Qu'il veut que la Vallette viue,
Surquoy la Cour par vn excez
De bonté surseoit son procez,
Et veut pourtant que sans attendre
Tous ses meubles on fasse vendre;
Et que sa vaisselle d'argent
Sous la conduite d'vn Sergent
Tienne dès ce moment la voye
Et le chemin de la monnoye.

C'est aussi ce quinzième iour
Que le grand la Mothe-Houdancour
Au Parlement prend sa sceance;
Permis d'y dire ce qu'il pense
Et Conseiller *ad honores*.

On eut aduis le iour d'apres

Qu'à

178
Qu'à Soissons la correspondance
Qu'auoient avec son Eminence
Les Maires & les Escheuins
Ayant induit ces Mazarins
De venir faire de leur Ville
A S. Germain offre ciuille,
que le Lieutenant General
qui n'aime pas le Cardinal
S'estant mis tres fort en cholere
A fait eslire vn autre Maire
Et cree nouveaux Officiers:
qu'ils furent camus les premiers
Lors que la gueulle enfarinée
Par vne belle apresdisnée
Estant à Soissons retournez
On leur ferma la porte au nez;
Quelqu'vn d'entr'eux prend la parole,
Mais zeste comme il a pris Dolle,
L'habitant est sourd à sa voix
Et par tout visage de bois.

Cependant lettre interceptée
Au Parlement est apportée
Sans adresse ou souscription:
Lettre pleine d'invention
Pour reuolter toute la France
que Messieurs par vne Ordonnance
Mardy seize de Fevrier
Commirent pour verifery,
Auec ordre d'arrester l'homme
qui portoit ces lettres. Or comme
Le Duc d'Elbeuf & ses enfans
Reuenoient tous quatre des champs
Ils trouuerent dans vne plaine
Quelques picorreurs de Vincenne
Qu'ils recogneurent au Chasteau,
Leur chef resté sur le carreau.

Ce fut cete mesme iournée
 Qu'à sept heures la marinée
 Messieurs n'estans point assemblez
 Il vint de Chartres force bleds
 Conduits par le grand La Boullaye,
 Homme qui ne cherche que plays
 Et bosse avec ses ennemis,
 C'est luy qui par ses soins a mis
 Malgré la bile Cardinalle
 Trois cent muids de bled dans la halle
 Le conte en ayant esté fait
 Mercredy du mois le dix-sept.

Jour que les Gens du Roy marcherent
 Sous les passeports qu'enuoyerent
 Leurs Majestez pour le chemin,
 Ils s'en alloient à S. Germain
 Dire à la Reine en bonne amie
 Que par haine ce ne fut mie
 Que l'on renuoya son Herault
 Et qu'on cria sur luy harault,
 Et la prier qu'elle n'engrogne
 Quand deuers le bois de Boulogne,
 Ils virent arriuer d'amont
 Ce vaillant Mareschal Grammont
 Qui venoit leur offrir main forte
 Et qui leur fit tousiours escorte
 Tant qu'arriuez à S. Germain
 Ils eurent traitement humain.

Ce iour vne bande ennemie
 Vint sonder quelque Infanterie
 Que nous auons dans Charenton
 Et si par composition
 On pourroit derechef destruire
 Le pont que l'on a fait construire
 Et rendu derechef tout neuf
 Par l'ordre du Prince d'Elbeuf:

7
73 355
Mais considerant nostre mine
Ladite trouppes Mazarine
Et nos profonds retranchemens ;
Après beaucoup de complimens,
Aufquels porterent nos responces
Certains canons malplaisans nonces,
En fin elle doubla le pas
Hors du Bourg, & ce ne fut pas
Sans auoir ioué de son reste
Et laissé pour marque funeste
Le feu dans deux pauures maisons
Quine sont plus que des risons:
De là vers Montreüil elle aduance,
Montreüil qui pour leur subsistance
C'estoit iusqu'icy cottisé,
Et que scachant estre espuisé
Elle courut mettre au pillage
Ce qui restoit en ce village.

L'on eut aduis Teudy dixhuiet
Que sur vn Regiment qui nuit
Qui pille, qui fait rage en Brie,
Regiment de Cauallerie
Iadis au Prince de Conty
Et dont le nom est conuertty
Depuis en celuy de Bourgogne,
Sur luy, dis-je, vn nommé Bourgogne
Gouuerneur vigoureux & vert
Sortit de Brie Comte-Robert
Auec quelque caualerie
Et des trouppes d'infanterie
(Sile Courrier n'est point menteur)
Il le rossa d'vne hauteur
Qu'il ne se peut pas dauantage,
Vangeant ainsi, par le carnage
De six vingt tuez sur le champ
Leur ancien M.stre de camp,

Soixante prisonniers resterent,
Les autres le taillis happerent.

De Rouen il nous est mandé
que le beau-frere de Condé
Longueuille l'inébranlable
Refuse d'estre Connestable:
qu'e son cœur est tousiours esgal
quoy que tante le Cardinal
Qui croit le pouuoir par cet offre
Remuer comme on fait vn coffre,
Malgré sa générosité,
Et l'attirer de son costé:
Mais l'Eminence est abusée
Elle en aura Mardy fusée.

Ce iour au Parlement on lût:
La lettre qui surprise fut
De Cohon à son Eminence
Sa lettre leuë à l'Audience,
La Cour dit qu'on l'obserueroit.
Et gardes on luy donneroit,
Comme on feroit à son confrere:
Certain quidam Euesque d'Aire.
De plus qu'on prendroit au collet
Vn Conseiller du Chastelet
Homme d'vne mesme farine
Launé dont l'ame est Mazarine:
Mais chacun fut bien estonné
Qu'on ne trouua plus de Launé,
Il eut le vent de cette affaire,
Tandis que quelque Commissaire
Suiuant cet Arrest prit son vol
Chez Cohon Euesque de Dol
Pour apprendre ses monopolés,
Mais il n'en eut que deux paroles,
Assauoir que les Iuges Lais
Pouuoient retourner au Palais;

Qu'il

9
83
Qu'il ne connoissoit que le Pape,
Et comme mordant à la grappe
Il repetoit souuent cela,
Quand doctement le regoula
Le Iuge qui l'alla confondre
Si bien qu'il ne pût rien respondre:
Car apres auoir rapporté
Qu'aux faits de cete qualité
qui n'est qu'interroger vn homme,
On se passoit d'aller à Rome,
Et qu'il demandoit ce renuoy
Contre l'authorité du Roy
Qui sur les Euesques de France
Garde tousiours pleine puissancc,
Sans courir à sa Saincteté
Sur tout en leze Majesté,
Il luy cita quelque Concile,
D'exemples plus de quatre mille,
Et trop puis qu'il demeura sot
Sans pouuoir respondre vn seul mot;
Sinon, Messieurs, au Pape au Pape,
Le vais disner, on met ma nappe,
Adieu ne m'importunez pas
Laissez-moy prendre mon repas
Surquoy ces Messieurs emporterent
Certains papiers qu'ils rencontrèrent
Et quelqu'autre brinborion
Au cabinet dudit Cohon;
Et vinrent chez l'Euesque d'Aire
Qui ne fit pas tant de mystere,
Mais apres auoir protesté
Pour ceux de cete qualité
Leur franchise & leur priuilege,
Il respondit dessus vn siege.

Ce iour l'Archeuesque regla
Et par son reglement sangla
Messieurs de Ieusne & de Carefme
Qui s'en venoient à face blesme

Victorieux du Carnaval
 Pour seconder le Cardinal
 Et nous oster la bonne chere,
 Mais la farine estoit trop chere,
 Ce qui fit que nostre Pasteur
 Vfant enuers nous de douceur
 Par vne forme d'Indulgence
 Et sans tirer à consequence
 Nous accorda de manger œuf,
 Poulet, mouton, goret & bœuf,
 Fromage, veau, perdrix, esclanche
 Jeudy, Mardy, Lundy, Dimanche,
 En reseruant les Mercredis,
 Les Vendredis & Samedis
 Et toute la Sainte Semaine,
 Temps qu'il laisse sous le domaine
 D'un Carefme tres-rigoureux
 Qui sera le reste aux Chartreux.

Le Vendredy vinrent d'emblée
 Les Gens du Roy dans l'assemblée
 Dire qu'allez pour descharger
 Ce dont on les daigne charger
 Aux pieds de la Reine Regente
 Quice iour fut d'humeur plaisante
 Elle leur fit ciuilité
 Et promit vne infinité
 De faueurs & de bien-veillance
 Dés que par leur obeyssance
 Messieurs de la Cour proueroient
 Les respects dont ils l'asseuroient

Or fut ce iour bien ébahie
 Son Eminence d'Italie
 Quand elle apprit que son argent
 N'auoit pû destourner l'Agent
 Lequell' Archiduc, de Bruxelles
 Enuoye à Monsieur de Brouffelle
 Comme au reste du Parlement

Faire vn honneste compliment:
 Ce fut ce iour là que le drolle
 Nous fit voir sa trogne Espagnole,
 Et que recreu de son trauail
 Il ne prit qu'vne gouffe d'ail,
 Car il n'eut point de patience
 Qu'il ne fut en pleine audience
 Et que la main sur le rognon
 Il ne fit tomber vn oignon
 Comme il tiroit de sa pochette
 Vne missiue tres-bien faite,
 Dattée à Bruxelles du dix,
 Et quatre iours apres le six
 Du Lieutenant du Roy d'Espagne,
 Qui voyant que rien il ne gagne
 A faire la guerre aux François
 Leur faisoit offre par sa voix
 De la paix qu'ils ont souhaittée,
 Et par Mazarin reiettée,
 Remettant tous ses interests
 Dans les mains des donneurs d'Arrests,
 Auec ceux du Duc de Lorraine,
 Qu'on ne peut separer sans peine:
 L'agent finit en disant mal
 Contre Monsieur le Cardinal,
 Blasfant son mauuais ministere
 Et dés qu'il luy plûs de se taire
 La Cour voulut qu'il escriuit
 Ce qu'il auoit dit, ce qu'il fit:
 Cependant que dans la sepmaine,
 On deputeroit vers la Reine
 Pour l'instruire de tout cela,
 Et prier par ce moyen là
 De ne pas faire la Normande
 Ains comme la Cour luy demande,
 Et qu'à Messieurs les gens du Roy
 Elle donna Ieudy sa foy
 De nous estre vne bonne mere,

La prier de vouloir la faire
 Esloignant l'importun blocus
 Que Paris trouue super flus.

Samedy vingt-cinq cent charrettes
 Tant bleds comme farines faites
 Renforcerent nos magazins
 Au grand depit des Mazarins
 Qu'amena du costé de Brie
 Au nez d'une troupe ennemie
 Le grand Marquis de Noirmontier,
 Homme qui sçait bien son mestier
 Qui sauua toute sa farine
 Du Gouverneur de Graueline
 Appellé Comte de Grancé,
 Où le combat fut balancé:
 Mais nous eufmes victoire entiere
 Peu de nos gens au cimetiére.
 Encor que le choq fut tres-chaud
 Monsieur dela Roche-Foucaud
 Et Monsieur de Duras le ieune
 Blessé par mauuaise fortune.

L'on eut aduis en mesme temps
 que de Melun les habitans
 Ont défait sans misericorde
 Toutes les troupes de la Bordo
 Et fait rentrer avec roideur
 Au Chasteau ledit Gouverneur.

L'on a des seize Colonelles
 Enroollé des troupes tres-belles
 Et cent de chacune on a pris
 Pour le Regiment de Paris,
 Que conduira le Duc de Luyne
 Duc, dont l'on battoit en ruyne
 Le Chasteau Lesigny, qu'ont pris
 Le Dimanche les ennemis.

Fin du sixiesme Courier.